



Nuuk ulloq 25. marsi - 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. VVM pillugu misissuinerit aamma tusarniaanermut atatillugu akissutigineqartut qanoq iliornikkut mittarfiliortiternernut aalajangiinerup ingerlarnganut sunniuteqarsinnaappat, tusagassiutini uteqattaartuarneqartillugu Nuummi mittarfiup inissisimaffia allanngortinneqarnaviangitsoq, sanaartornerup sukkassusissaa kiisalu mittarfiliortiternernut atatillugu aalajangiinnissap tungaanut ingerlasimaneq tamakkerlugu allanngortinneqarnaviangitsoq?

2. Naalakkersuisut isumaat naapertorlugu mittarfiliortiternerit akilersinnaassusaat qanoq allanngortinneqartigissava maannakkut malunnarsimmat Kangerlussuaq ammaannartussanngortoq Sakkutooqarfiit Nato-llu ingerlataat tassani ingerlannartussanngorpasimmata?

3. Sakkutuut ingerlatsinerat atlantiku qulaallugu timmisartut miffiginnaasaanni Kangerlussuarmiiginnartussanngormata taava Naalakkersuisut isumaqarpat suli Nuummi Ilulissanilu mittarfissat sananeqarnissaat aalajangiusimaneqartariaqartoq?

4. Mittarfiliortiternissanut innuttaasut ernummataat qanoq aqqissimallugit Naalakkersuisut isumaqarpat? Sualummik Nuummi, innuttaasorpasuit apersuimmata ernumallutillu ilaatigut nipi tipilu pillugit kiisalu mittarfiliortifissap eqqaaniittut inuinnaat illuisa nalikillerujussuarnissaat pillugu?
(Inatsisartunut ilaasorta, Tillie Martinussen, Suleqatigiissitsisut)

Tungavilersuut:

Qularutigineqassanngilaq VVM-mut misissuinerit imai pillugit innuttaasorpasuit ernumanertik oqaatigisimammassuk sualummik Nuummi kalluarneqartussat.

Tamatuma kingunerisaanik VVM pillugu allaaserisaq kingusinaarujussuarluni tusarniutigineqarpoq, malunnarporli suliamut ingerlareersumut sunniuteqarnaviangitsoq, taamaattumik Suleqatigiissitsisuni isumaqarpugut unneqarissuliornerusimassagaluartoq oqaatigilluaannaraanni innuttaasut suliamut ingerlanneqartumut tunngatillugu tusaarusunneqanngitsut.

Tusagassiutini arlaleriarluni tusatsiarneqartarpoq nammagittaalliortoqarsimagaluartoq sunnguamilluunniit allannguisoqarnaviangitsoq.

Aamma nutaarsiassaq, Kangerlussuup aammaannartariaqarneranut tunngasoq sunnguamilluunniit allanngortitsiniarpasinnigilaq. Uatsinnut tamanna eqqumiippoq, Kangerlussuummi matunissaa tunngavilersuutinut ilaavoq mittarfiit nutaat immaqaa akilersinnaanerulaartunnguamik ingerlanneqalernissaannut.



SULEQATIGIISITSISUT
SAMARBEJDSPARTIET

Uangut isumarput naapertorlugu allaangilaq, aalajangiineq pingitsaaliissutaasimasoq malunqarmanni aallaqqaammut sinneqartuulaartalernissamut tunngavilersuutitut eqqartorneqartoq soqutaavallaarunnaarsimarpasittoq.

Tamannalu tunngavigisaq uangut isumarput naapertorlugu aallaqqaataaniilli qularnarluinnarnikuuvoq.

Suleqatigiissitsisuni isumaqarpugut kusanassagaluartoq aalajangiisimasut nassuertuuppata innuttaasut isummersuutaannut Naalakkersuisut taakkulu amerlanerussusiisartui aallaqqaataaniilli tusarnaarnissaminnut soqutigisaqarsimanngitsut. Akuutitsiumanngikkaanni taamaattoqarnerata nassuerutiginnissaa ajortuliornerunngilaq.

Apeqqutit sukkanerpaamik akeqquneqarput aamma kingusinnerpaamik ullut sulliviit nalignnaasut qulit qaangiutsinnagit.

Tillie Martinussen
Samarbejdspartiet - Suleqatigiissitsisut